

涵芬樓古今文鈔

呂景端
書藏

陶淵明古今文鈔

卷之四

涵芬樓古今文鈔卷七十六目錄

碑誌類

墓誌銘六

海峯先生墓誌銘 吳定

吳蕙川墓誌銘 吳定

鮑君墓誌銘 吳定

孝廉于先生墓誌銘 張遠覽

清故光祿大夫兵部尙書彭公墓誌銘 彭績

工部主事陳稽亭墓誌銘 秦瀛

馮仲廉孝廉墓誌銘 蕭掄

莊經饒墓誌銘 惲敬

張皋文墓誌銘 惲敬

姜太孺人墓誌銘

惲敬

封文林郎惲君墓誌銘

張惠言

魯賓之墓誌銘

陳用光

鄧宜人墓誌銘

陳用光

從舅鄒君墓誌銘

管同

泗州訓導黃潛夫墓誌銘

毛嶽生

贈奉直大夫福建臺灣縣知縣姚君墓誌銘

毛嶽生

建陽知縣陸費君墓誌銘

陸繼輅

湖南靖州訓導毛府君墓誌銘

鄧顯鶴

例授修職郎歲貢生候選訓導鄒君墓誌銘

鄧顯鶴

叔父璧園府君墓誌銘

鄧顯鶴

黃虎癡繼室陳氏墓誌銘

鄧顯鶴

王惠川墓誌銘 梅曾亮

朝議大夫臺灣府知府蓋君墓誌銘 梅曾亮

項府君墓誌銘 梅曾亮

朱孺人墓誌銘 梅曾亮

劉君季霞墓誌銘 曾國藩

新甯劉君墓碑銘 曾國藩

仁和邵君墓誌銘 曾國藩

唐確愼公墓誌銘 曾國藩

苗先麓墓誌銘 曾國藩

翰林院侍讀學士丁君墓誌銘 曾國藩

誥封光祿大夫曾府君墓誌銘 曾國藩

季弟事恆墓誌銘 曾國藩

彭母曾孺人墓誌銘 曾國藩

陳岱雲妻易安人墓誌銘 曾國藩

劉母譚孺人墓誌銘 曾國藩

墓誌

劉先生夫人墓誌 任昉

周大將軍懷德公吳明徹墓誌 庾信

故祕書郎姜君墓誌 柳宗元

徐昌國墓誌 王守仁

湛賢母陳太孺人墓誌 王守仁

錢烈女墓誌 王猷定

墓表一

唐著作郎贈祕書少監權君墓表 李華

唐陸文通先生墓表

門宗元

唐陵陳先生墓表

呂溫

河南府司錄張君墓表

歐陽修

連處士墓表

歐陽修

集賢校理丁君墓表

歐陽修

永春縣令歐君墓表

歐陽修

右班殿直贈右羽林軍將軍唐君墓表

歐陽修

石曼卿墓表

歐陽修

太常博士周君墓表

歐陽修

胡翼之墓表

歐陽修

瀧岡阡表

歐陽修

處士征君墓表

王安石

外祖母黃夫人墓表 王安石

寶文閣待制常公墓表 王安石

程伯淳墓表 程頤

呂和叔墓表 范育

程君正思墓表 朱熹

何君墓表 陸游

蔡九峯先生墓表 真德秀

酇德王先生墓表 党懷英

王榆山先生墓表 趙溫

姬平叔墓表 趙秉文

內翰王公墓表 元好問

御史程君墓表 元好問

涵芬樓古今文鈔卷七十六

侯官吳曾祺纂錄

碑誌類

墓誌銘六

海峰先生墓志銘

吳定

先生姓劉氏。諱大槐。字耕南。號海峰。桐城人也。曾祖日耀。明崇禎時。以貢士廷試。授歙縣訓導。祖姓。父柱。皆縣學生。先生狀貌豐偉。而性情直諒寬博。讀書工辭章之學。自古文亡於南宋。前明歸太僕震川。暨我朝方侍郎靈皋繼作。連起其衰。至先生大振。其才之雄。兼集莊騷左史韓柳歐曾蘇王之能。瑰奇恣睢。鏗鏘絢爛。足使震川靈皋驚退改色。詩亦孕育百氏。供我使令。元明以來。辭章之盛。未有盛於先生者也。年二十九。應舉入京師。巨公貴人皆驚駭其文。而尤見賞於方侍郎暨吳荊山閣學。以爲昌黎復出。已而兩中副榜貢生以終。乾隆之初。邵開府余京

兆欲薦先生賢良方正辭。會舉博學宏詞。方侍郎以先生薦。及試。爲大學士。張文和所黜。而文和後大悔。洎乾隆十五年。詔舉經學。文和獨舉先生。而文和旋去位。乃出爲教諭於黟。黟士至今感誦先生教育之仁不息。國家用經義選天下士。而先生以振古之文。生於列聖相承文教累洽之日。又有持權者爲之引延。而卒淪溺下僚。不獲展其才以沒。則信乎命之窮也。然而富貴之榮。沒則寂焉。斗筭之功名。亦澤竭則忘焉。天地之光華。一日不掩。則先生之文章。一日不磨。畀先生以曠世不數畀之才。而特假巖壑寬閒之歲月。以成先生千古之榮。天之眷佑之者至矣。即使先生數奇。屈於生。復屈於死。卒致泯沒於無聞。而先生之可不朽乎此生者自在也。其又奚懟焉。所著有詩文集。已久行世。其卒也以乾隆四十四年十月初八日。年八十有二。娶吳氏。生子三人。皆早死。以兄之孫符琢爲長子。介後。嘉慶四年十月某日。葬先生於梅子嶺先塋之左。門人吳定涕泣爲之銘曰。文雄千古。遇屯一時。一時之屈。千古之師。豈無公相。高談霆飛。百千灰滅。公尙巍

巍韓歐之側。配食攸宜。謂予不信。請視來茲。

吳蕙川墓志銘

吳定

君諱紹澤。字蕙川。歙之溪南人也。祖諱邦佩。父諱鎔伯。父錫。無子。以蕙川後之。蕙川爲富貴之裔。而樸誠謙退。尙信義。雍然儒者。少讀書於歙西之靈金山上。與方晞原偕處。新安雋雄之士。如鄭用牧。戴東原。程易田。金蘂中。數往來山間。互以經術文章相督勸。號一時之盛。年旣壯。師事桐城劉海峰先生。學爲古文辭。業益以擴。聲聞燕越。吳楚之交。予嘗與桐城王濱麓數訪蕙川。一日蕙川盛治壺殮。相與徧遊園林。眺覽山川之雄秀。蕙川因侈陳往古豪傑非常之士。建功名。走萬里外。作爲文章。宣布朝廷威德。氣甚壯也。已而四顧唏噓。俯首淚下。予與濱麓啞然笑之。則曰。此予嚆昔之志也。嗚呼。今已矣。蕙川家多文學之彥。其從父昆弟。或成進士。官翰林。而少年共馳驟於靈金山者。亦半爲達官以去。獨蕙川年五十有三。以諸生卒。海峰先生嘗悼心古文之壞於今七百年。而深嘉尙蕙川之辭。有歐陽子

遺音。竟其學可頡頏之也。嗟吾蕙川。功名不獲建矣。而文章亦未及大其成。奄然違世。百年之後。蕙川之風流。其無乃歇絕乎。此尤可爲吾蕙川弔也。其卒也。爲乾隆五十二年八月初七日。娶鄭氏。無子。以弟紹瀛之子械爲君後。將以某年月日葬蕙川於某山之陽。銘曰。

木蕭蕭兮風急。若有人兮太息。齊旦暮兮古今。嗟有懷兮誰畢。魂兮歸來安君宅。

鮑君墓志銘

吳定

鮑君諱嘉命。字鸞書。一字鏡湖。歙之巖鎮人也。六世祖諱登明。國初隱居。奉母不仕。曾祖諱蕃。候選州同知。祖諱善基。庠生。父諱倚雲。優貢生。君年十歲。卽出爲伯父諱倚樓後。性豁達。少偕兄嘉鬯承生父受學。以藝文震於庠。父兄沒。遂放遊吳越間。以飲酒歌詩爲樂。家甚貧。君不屑屑慮。往往傾己所有以贍賙人。故人無賢否。皆慕與君交。賓朋日盛。予嘗與君應省試。聚金陵。會日霽。君挈予陟幕府之山。訪烏衣之巷。慨然想見王謝諸子功烈之隆。俯仰江山。淚數行下。予異之。君曰。

大丈夫生逢盛世。不克變化。如龍蛇茫洋上浮。雨澤六合。顧安能終日困縛如轅下駒哉。因極言人生得喪。如雲霞之變幻太空。如風之過耳。囊有一錢。卽出以賙故舊。振貧氓。以適我之性。奚爲不可乎。旣遨遊久之。無所合。遂益不問妻孥生產。以爲常。君之配唐孺人者。同縣槐塘人也。曉書史大義。姑晚善病。不解衣以待者經年。君旣困於遊。孺人賴有兄歲周其乏。然所入常不支。孺人忍飢教育諸子女甚勤。無慍色。君之得以嘯傲湖山無憂家室者。孺人之助也。君以乾隆乙卯閏二月二十四日卒。年五十有四。先是癸丑八月初二日。孺人卒。年四十有九。其卒蓋先君二年。子四。曰桂星。中順天壬子鄉試。以教職用。曰金聽。承兄嘉慶後。曰珊。曰桂枝。皆幼。長女適孺人之姪唐澧。次適畢掄甲。次未字。孫一。曰庚。桂星少而才。嘗從予遊。將以某年月日。合葬其父母於某山之原。而請銘於予。銘曰。仁不盡施而畢於斯。豈人爲之。抑天爲之。噫。天旣爲之。而君又奚悲。

孝廉于先生墓志銘

張遠覽

先生姓于氏。諱盡臣。字子忠。西華下隄人也。下隄之于。尙勇健。好騎射。往往秉節旄爲大帥。田園狗馬音樂之盛。甲於一縣。而先生獨用儒而貧。先生幼讀書。敏且勤。長而益博。在鄉黨恂恂退讓。無賢愚必以貌。故內雖岸然自異。而人人皆得與先生親。性介而好施。嘗數日不舉火。自非其子弟門人。餽之弗受也。嘗有十金。爲盜攫去。久不得。會縣有公事。令與縉紳畢會。令語先生曰。盜金者獲矣。金具在。卽奉金於座。先生曰。吾久媿貧。不能襄公事。今聞修縣志。願以此助筆札之資。令大驚。堂下吏相與竊笑曰。老人又不欲其家舉火矣。初先生於雍正二年。舉於鄉。至今三十餘年。先生之同舉有列官至九卿。卽最次亦爲州縣校官。而先生竟以窮餓終。先生生於康熙某年月日。卒於乾隆某年月日。年若干。配某。子凌雲。以乾隆二十五年某月甲子。葬於某里某原。其門人來謁余銘。曰。先生之遺言也。銘曰。內振振焉。而遭何薄也。吏則必廉。信綽綽也。於社而祀焉。云胡忤也。

清故光祿大夫兵部尙書彭公墓志銘 彭 績

致仕兵部尙書長洲彭公。年八十四。以乾隆四十九年六月旣望。卒於家。其年十二月旣望。葬於穹窿山之冠子嶺下。夫人宋氏祔焉。公諱啟豐。字翰文。其先江西清江縣人。前朝洪武中。徙家蘇州。爲長洲縣人。曾祖瓏。國朝順治中進士。官廣

東長甯縣知縣。祖定求。康熙中進士及第。官翰林院侍講。父正乾。太學生。需次州同知。皆贈光祿大夫。吏部左侍郎。加一級。公九歲。稍長。稟訓父祖。讀書敕行。爲文章。援豪立就。年二十七。雍正五年會試第一。殿試復第一。入翰林。七爲鄉試主考官。再爲提督學政。累官至都察院左都御史。兵部尙書。爲人清瘦。行步如鶴。率胸懷無機。以兵部右侍郎歸休。謙謙儒生也。其治家肅。如主紫陽書院。教育後進。不倦。公在官凡四十年。清身奉職。未嘗曲意貴勢。量治體所宜。事不可。便昌言之。先皇帝。皇帝嘉公忠實有文。被以殊榮。三旌光寵。雖遠邨窮野。婦人孺子。

皆知有公。公歸九年。迎駕山東。詔復尙書銜。又九年而卒。子紹謙。曹州府同知。紹觀。翰林院侍讀學士。紹威。府貢生。紹升。進士。紹節。紹濟。孫十人。曾孫六人。銘

曰。

公先積善。天鑒以默。委祉公承。而世厥德。高上坎中。斯藏斯息。我銘不華。來者是則。

工部主事陳稽亭墓志銘 秦 瀛

余在京師。聞工部中向有三君子。曰棲霞牟松巖。昌裕。陽山鄭貫亭。士超。及元和陳君稽亭。三君子者。余皆與往還。而於稽亭尤習。松巖貫亭先後遷御史以歿。而稽亭爲額外主事者十數年。不得志。浩然而歸。逾年。余亦自京師歸。而稽亭已前一月逝矣。其孤德勉等。將葬君於硯山祖塋之次。而先期來無錫。泣請余銘其墓。按狀。君諱鶴。字鶴齡。又字馥初。稽亭其號。明成化宏治間。有諱璫者。官南京都察院左副都御史。與吳文定王文恪善。以直節著。是爲君十一世祖。本生曾祖樹珪。諸生。積學勵行。鄉黨所稱。獨行君子者也。祖燦。張。增貢生。妣沈氏。張氏。本生祖燦策。妣胡氏。父廣勤。諸生。早世。未娶。以序立君爲後。本生父曾懋。亦諸生。妣郭氏。唐

氏自祖及本生祖而下。並遇覃恩。贈奉直大夫。妣皆贈宜人。君唐太宜人所出也。生而穎悟。始能言。卽能讀杜詩。稍長爲文。輒工。旣出後。家難遽作。貲產蕩然。尋丁本生父憂。哀毀骨立。雖降服。猶終三年。要經不除。年二十五。補博士弟子員有名。嘉定錢竹汀先生大昕雅重之。乾隆壬子舉於鄉。以第四名魁其儕。時年已三十六矣。將應南宮試。以大母春秋高。不欲行。大母強之行。報罷歸。而大母隨歿。哭踊盡禮。丙辰成進士。以主事用。在工部虞衡司行走。告歸。居於家者一年。丁巳。自家人入都。庚申。學習期滿。得旨留部。而君又歸。壬戌再入都。而余以乙丑冬。因蔡御史以識君。君操行修潔。不屑奔走競進。出無車馬。入直則假之於人。其於人亦落落寡諧。交遊自松巖貫亭而外。不過數人。而余以居相近。越宿必過君。君亦樂就余。門巷蕭然。僅蔽風雨。居平不肯受一無名錢。惟以教授生徒自給。君於余。遇事偏偏直言。輒以古人相規切。余媿君。君不余媿也。松巖貫亭之沒。君臨其喪。哭之慟。其歸也。余送之。猶以兩君表墓之文相屬。余未及爲。而今乃先銘君之墓。悲